

四庫全書薈要

• 乾隆御覽本

史部

欽定四庫全書薈要

史部
魏書目錄

詳校官內閣侍讀孫球



欽定四庫全書薈要卷四千四百十四

史部

魏書目錄

齊

魏

收

撰

帝紀一十二

卷十四

列傳九十二

卷九十

志十

卷二十

共一百三十卷

帝紀

魏書卷一



帝紀第一

成帝

毛

節帝

貸

莊帝

觀

明帝

樓

安帝

越

宣帝

推寅

景帝

利

元帝侯

和帝肆

定帝機

僖帝蓋

威帝僧

獻帝隣

聖武帝詰汾

始祖神元帝力微

文帝 沙漠汗

章帝 悉鹿

平帝 綽

思帝 弗

昭帝 祿官

桓帝 猗色

穆帝 猗盧

太祖平文帝 鬱律

惠帝 賀儔

煬帝 紇那

烈帝 翳槐

昭成帝 什翼犍

魏書卷二

帝紀第二

太祖道武帝 珪

魏書卷三 闕

帝紀第三

太宗明元帝

嗣

魏書卷四上

帝紀第四上

世祖太武帝

燾

魏書卷四下

帝紀第四下

世祖太武帝

恭宗景穆皇帝

晃附

魏書卷五

帝紀第五

高宗文成帝

濬

魏書卷六

帝紀第六

顯祖獻文帝

弘

魏書卷七上

帝紀第七上

高祖孝文帝宏

魏書卷七下

帝紀第七下

高祖孝文帝

魏書卷八

帝紀第八

世宗宣武帝恪

魏書卷九

帝紀第九

肅宗孝明帝

詡

魏書卷十

帝紀第十

敬宗孝莊帝

子攸

魏書卷十一

帝紀第十一

前廢帝廣陵王恭

後廢帝安定王朗

出帝平陽王修

魏書卷十二 闕

帝紀第十二

孝靜帝 善見

列傳

魏書卷十三 闕

后妃第一

神元皇后竇氏

文帝皇后封氏

次妃
蘭氏

桓帝皇后祁氏

平文皇后王氏

昭成皇后慕容氏

獻明皇后賀氏

道武皇后慕容氏

道武宣穆皇后劉氏

明元昭哀皇后姚氏

明元密皇后杜氏

太武惠太
后竇氏

太武皇后赫連氏

太武敬哀皇后賀氏

景穆恭皇后郁久閭氏

文成昭太后常氏

文成文明皇后馮氏

文成元皇后李氏

獻文思皇后李氏

孝文貞皇后林氏

孝文廢皇后馮氏

孝文幽皇后馮氏

孝文昭皇后高氏

宣武順皇后于氏

宣武皇后高氏

宣武靈皇后胡氏

孝明皇后胡氏

孝靜皇后高氏

魏書卷十四

闕

列傳第二神元平文諸帝子孫

上谷公紇羅

子襄城王題

建德公嬰文

真定侯陸

曾孫軌

武陵侯因

長樂王壽樂

望都公頽

曲陽侯素延

順陽公郁

宜都王目辰

穆帝長子六修

吉陽男比干

江夏公呂

高涼王孤

六世孫華山王鷺 養子子華
子華弟子思 孤六世孫上黨王天穆

西河公敦

司徒石

武衛將軍謂

子烏真 烏真子興都
興都子東陽王丕

淮陵侯大頭

河間公齊 孫志

扶風公處真

文安公泥 子屈
屈子磨渾

魏書卷十五 關

列傳第三昭成子孫

寔君

秦王翰 子衛王儀
儀子中山王纂

幹 幹子禎
禎子端

儀弟陰平王烈 秦王觚

常山王遵

子素 素子可悉陵 可悉陵弟子昭
昭子玄 弟紹 可悉陵弟忠

忠子壽興 忠弟孫嶷
忠子暉

陳留王虔

子朱提王悅 崇
虔兄顗 顗子嶺

毗陵王順

遼西公意烈

子拔干 拔
干曾孫洪超

意烈弟子栗

渾

窟咄

渾子庫汗

魏書卷十六

列傳第四道武七王

清河王紹

陽平王熙

子臨淮王他
他曾孫世遵

世遵弟子忻之 世遵弟禹
他孫法壽 法僧

河南王曜

子穎川王提 提子平原
平原子鑒 和

河間王修

略陽王羯兒

長樂王處丈

廣平王連

南平王渾 渾子霄
霄曾孫仲問

京兆王黎

江陽王繼 繼子義
羅 爽 繼弟羅侯

魏書卷十七

關

列傳第五明元六王

樂平王丕

安定王彌

樂安王範

子良

永昌王健

子仁

建寧王崇

新興王俊

魏書卷十八

關

列傳第六太武五王

晉王伏羅

東平王翰

臨淮王譚

子提孝友

提子昌昌弟孚

昌子彧

廣陽王建閭

子嘉深子湛

嘉子深

南安王余

魏書卷十九上

闕

列傳第七上景穆十二王上

陽平王新成

子頤 衍弟欽

衍

欽子子孝 衍子融

京兆王子推

子太興 暹

太興弟遙 太興孫棕

恒

太興子仲景

濟陰王小新成

孫弼 鬱弟子誕

弼子暉業

昭業

麗子顯和

汝陰王天賜

孫慶和 修義

天賜子況

樂浪王萬壽

曾孫 忠

廣平王洛侯

濟南王匡

魏書卷十九中

列傳第七中景穆十二王中

任城王雲

子澄

澄子彞

順

順子朗

澄弟嵩

嵩子世雋

嵩弟瞻

魏書卷十九下

列傳第七下景穆十二王下

南安王楨

子中山王英

英子熙

熙弟東平王

略

略弟纂

熙弟義興

英弟怡

怡子魯郡王肅

東海王曄

城陽王長壽

子鸞

鸞子微

章武王太洛

嗣王彬

彬子融

東安王凝

樂陵王胡兒

嗣王思譽

安定王休

子燮

願平

魏書卷二十

關

列傳第八文成五王

安樂王長樂

子詮
斌之

詮子鑒

廣川王略

子諧

齊郡王簡

子祐

河間王若

嗣王琛

安豐王猛

子延明

魏書卷二十一上

列傳第九上獻文六王上

咸陽王禧

子翼
暉

樹

趙郡王幹

子謚
譚

諶

廣陵王羽

子欣

高陽王雍

子端 叡
昌樂王 誕

北海王詳

子顗

瑱

魏書卷二十一

列傳第九下獻文六王下

彭城王勰

子劭
子正

子直

魏書卷二十二

關

列傳第十孝文五王

廢太子恂

京兆王愉

子寶炬

清河王懌

廣平王懷

汝南王悅

魏書卷二十三

列傳第十一

衛操

衛雄
姬澹

莫含

孫題

雲

劉庫仁

弟卷
族人

庫仁子顯
奴真

奴真兄捷

魏書卷二十四

列傳第十二

燕鳳

許謙子洛陽

張哀

孫誕哀子度
度曾孫白澤

白澤子倫

崔玄伯

弟徽

崔寬

寬父剖

寬子衡

衡子

道固

兄子僧祐

僧淵

僧淵

子伯鳳

祖蟠

祖蟠

祖蟠

祖虬

僧淵

從弟和

和子軌

重謚

謚父京

重謚

謚父京

謚父京

鄧淵

子穎穎弟孫美

穎孫述

穎子宗慶

美子躋

魏書卷二十五

關

列傳第十三

長孫嵩

子穎穎子敦

長孫道生

孫觀觀子稚稚子子彥

魏書卷二十六

列傳第十四

長孫肥

子翰

陳蘭

尉古真

弟諾

諾子春

多侯弟子慶賓

春弟地干

古真族玄孫瑾

魏書卷二十七

列傳第十五

穆崇

孫真

真子泰

崇子觀

觀子壽

壽孫

罷

罷子建

罷弟亮

亮子紹

壽弟多

侯

觀弟曾孫弼

觀弟顗

崇宗人醜善

醜善孫錢

錢孫子琳

良

魏書卷二十八

列傳第十六

和跋

子歸

奚牧

莫題

庾業延

賀狄干

李栗

劉潔

古弼

張黎

魏書卷二十九

列傳第十七

奚斤

子他觀
斤弟孫瓌

孫買奴

叔孫建

子俊

隣

魏書卷三十

列傳第十八

王建

子斤
建曾孫樹
孫度

安同

子原
同弟子難
頡

樓伏連

兄曾孫毅

丘堆

娥清

劉尼

奚眷

車伊洛

宿石

來大千

周幾

豆代田

周觀

閻大肥

尉撥

陸真子延

呂洛拔子文祖

魏書卷三十一

列傳第十九

于栗磾

子洛拔 洛拔子烈 烈子祚 忠

景

烈弟子昕

烈弟果

魏書卷三十二

列傳第二十

高湖

子謚

謚子樹生

謚兄真

拔弟賸兒

賸兒子吞

賸兄弟微

微子歸義

湖弟

曾孫幹

崔逞

子墮

逞兄玄孫隆宗

封懿

子玄之

玄之弟子磨奴

族子回

回子

顯之回兄瓊

懿從兄子愷

愷從孫靈

祐回族叔軌

軌子偉伯

魏書卷三十三

列傳第二十一

宋隱

弟輔

叔父洽

王憲

子嶷

嶷子雲

洽子宣

宣孫瓊

屈遵

孫恒

道賜

張蒲

子昭

昭子靈符

道賜子拔

谷渾

孫洪

洪子穎

公孫表

子軌

軌子叡

穎子纂

士恢

叡子良

軌弟質

質子邃

邃子同慶

張濟

李先

孫子預

賈彝

子秀

秀子儁

禎兄

彝從曾孫禎

子景儁

景興

薛提

魏書卷三十四

關

列傳第二十二

王洛兒

車路頭

盧魯元

子統內

陳建

萬安國

奚拔

魏書卷三十五

列傳第二十三

崔浩

魏書卷三十六

列傳二十四

李順

子數弟奕

式

式子憲

憲子希宗

騫式

裔

秀林從弟煥

族子肅

肅從弟暉

暉從

弟仲璇

族人暉

暉族弟孝怡

族人熙

熙

孫遺元

族孫同軌

魏書卷三十七

列傳第二十五

司馬休之

子文思

司馬楚之

孫悅

楚之子躍

司馬景之

兄準

司馬叔璠

子靈壽

靈壽

司馬天助

魏書卷三十八

列傳第二十六

刁雍

子肅

肅子整

王慧龍

子寶興

寶興子

韓延之

袁式

魏書卷三十九

列傳第二十七

李寶

子承

承子韶

韶子瑾

韶弟彥

虔

承弟茂

茂孫遐

茂弟輔

輔子伯尚

仲尚

李凱

輔弟佐

佐子柬

神儁

韶從弟仲遵

韶從叔思穆

魏書卷四十

列傳第二十八

陸倕

子綬

綬子琇

凱

凱子暉

恭之

綬弟麗

麗子定國

定國子昕之

昕之

從兄子彰

定國弟叡

叡子希道

希質

麗弟龍成

龍成子昶

倕族子儁

魏書卷四十一

列傳第二十九

源賀

子懷

懷子子雍

子雍子延伯

子雍弟子恭

魏書卷四十二

列傳第三十

薛辯

子謹拔弟

謹子拔

拔子胤

拔弟孫慶之

拔弟子和

寇讚

子臻

鄭範

子道慎

道約

臻子治

韓秀

子務

堯暄

魏書卷四十三

列傳第三十一

嚴陵

毛修之

朱修之

唐和

兄子玄達

劉休賓

子文暉

房法壽

房堅 法壽從弟伯玉 從祖弟崇吉

崇吉從弟士達 法壽族子景伯 景先

景遠

魏書卷四十四

列傳第三十二

羅結

子斤 斤孫伊利

伊馘

孫盆生

乙瓌

子乾歸 乾歸孫瑗

和其奴

苟頽

薛野睹

子虎子 虎子子曇尚

宇文福

子延

費于

孫穆

孟威

魏書卷四十五

列傳第三十三

韋閻

孫儁
子崇

從叔道福

道福從孫元恢

閻從
梁穎

穎族曾孫嵩遵

杜銓族孫顥

蘇湛

姜儉

裴駿

子修
駿從弟

安祖
修子詢

修弟宣

辛紹先

孫祥
穆子

少雍
子馥

紹先子穆

柳崇

魏書卷四十六

列傳第三十四

竇瑾

子遵

許彥

子宗之

宗之兄曾

李訢

魏書卷四十七

列傳第三十五

盧玄

子度世

度世子淵

淵子道將

道虔

玄從祖兄溥

道約

淵弟子義儔

義儔子元明

魏書卷四十八

列傳第三十六

高允

孫綽
劉模

允弟推

魏書卷四十九

列傳第三十七

李靈

子恢
道子系

恢孫悅

恢弟子道

系子宣茂

崔鑒

子秉

秉子仲哲

魏書卷五十

列傳第三十八

尉元

子羽

慕容白曜

子真安
弟子契

魏書卷五十一

列傳第三十九

韓茂

子均

皮豹子

子喜

封勅文

呂羅漢

祖顯

父溫

孔伯恭

魏書卷五十二

列傳第四十

趙逸

兄溫
令勝

從玄孫超宗
遐叔隆

胡方回

胡叟

宋繇

曾孫稚

張湛

兄懷義

宗欽

段承根

父暉

闕駟

劉昞

趙柔

索敞

陰世隆

陰仲達

弟子遵和
兄子道方

魏書卷五十三

列傳第四十一

李孝伯

父曾

兄祥

祥子安世

安世子瑒

郁

李冲

魏書卷五十四

列傳第四十二

游雅

高閭

魏書卷五十五

列傳第四十三

游明根

子肇

劉芳

子廡 廡子隲

芳從

子懋

芳族兄僧利

僧利子世明

鄭演

子長猷

魏書卷五十六

列傳第四十四

鄭羲

子懿

道昭

道昭子嚴祖

義兄孫幼儒

伯猷

輯之

義弟連山

連山孫先護

義從兄孫季亮

崔辨

子逸

逸子巨倫

楷

魏書卷五十七

列傳第四十五

高祐

孫顯

諒

崔挺

子孝芬

孝芬子勉

孝演

孝直

孝政

挺弟振

振子子朗

挺從父弟

元珍

從祖弟敬邕

敬邕從弟接

挺族子纂

纂從祖弟遊

魏書卷五十八

列傳第四十六

楊播

子侃

播弟椿

椿子昱

昱子孝邕

椿弟津

津子道

逸

魏書卷五十九

列傳第四十七

劉昶

子輝

劉武英

蕭寶寅

兄子贊

蕭正表

魏書卷六十

列傳第四十八

韓麒麟

孫子熙
麒麟子顯宗

程駿

從祖弟子靈虬

魏書卷六十一

列傳第四十九

薛安都

孫繼 安都從弟真度
真度子懷吉 懷儁

畢衆敬

子元賓 元賓子祖括 祖暉
衆敬弟子聞慰 申纂 常珍奇

沈文秀

房天樂 文秀族子陵

張謹

田益宗

董繼 陳伯之

孟表

魏書卷六十二

列傳第五十

李彪

子志

高道悅

魏書卷六十三

列傳第五十一

王肅

翅 兄子誦

衍

宋弁

子維

紀

魏書卷六十四

列傳第五十二

郭祚

張彝

子始均

魏書卷六十五

列傳第五十三

邢巒

子遜

巒從叔虬

弟晏

李平

子獎

諧

魏書卷六十六

列傳第五十四

李崇

子世哲
神軌

崔亮

從弟光韶
光伯

魏書卷六十七

列傳第五十五

崔光

子勵
光從弟

長文

敬友

長文從弟

庠

鴻子子元

魏書卷六十八

列傳第五十六

甄琛

子侃
張纂

楷琛從弟密
纂從弟宣軌

高聰

魏書卷六十九

列傳第五十七

崔休

裴延儁

從叔子夙從弟
良從兄子慶

孫

延儁從弟仲規

仲規弟子景融

景顏

延儁族兄聿

族人瑗

袁翻

魏書卷七十

列傳第五十八

劉藻

子紹珍

傅永

傅豎眼

祖父融
子敬和

伯父靈慶
從子文驥

父靈越

李神

魏書卷七十一

列傳第五十九

裴叔業

孫譚

子芬之

藹之

兄子彥先

彥先子約

彥先弟絢

叔業兄子植

颺

策

衍

尹挺

柳立達

立達子遠

弟子諧

楊令寶

韋伯昕

魏承祖

皇甫瑒

梁祐 閻慶胤
柳僧習

夏侯道遷 子大

李元護 子會

席法友

王世弼 子由

江悅之 子文遙 文遙子
果 龐樹 李忻

榮 張元亮 士孫天與 羅道珍 王安世
辛諶 姜永 永弟漾 庾導 皇甫微

淳于誕

李苗

魏書卷七十二

列傳第六十

陽尼 從孫藻 藻從弟固 藻子弼
賈思伯 弟思同

李叔虎

從子長仁
長仁從子象

路恃慶

弟思令
從叔雄
雄從弟法常

房亮

曹世表

潘永基

朱元旭

魏書卷七十三

列傳第六十一

奚康生

子難

楊大眼

崔延伯

魏書卷七十四

列傳第六十二

爾朱榮

魏書卷七十五

列傳第六十三

爾朱兆

爾朱彥伯

弟仲遠
世承

世隆
弼

爾朱度律

爾朱天光

魏書卷七十六

列傳第六十四

盧同

張烈弟僧皓

魏書卷七十七

列傳第六十五

宋飀弟道興

辛雄從兄纂族祖琛

琛族子珍之

羊深

楊機

高崇子謙之子子謙之
儒緒崇子道穆

魏書卷七十八

列傳第六十六

目錄
孫紹

張普惠

魏書卷七十九

列傳第六十七

成淹子霄

范紹

劉桃符

劉道斌

董紹

馮元興曹道
曹昂

曹昇

鹿念

張熠

魏書卷八十

列傳第六十八

朱瑞

叱列延慶

斛斯椿

賈顯度

弟智

樊子鵠

賀拔勝

弟岳

侯莫陳悅

侯淵

魏書卷八十一

關

列傳第六十九

綦儁

山偉

劉仁之

宇文忠之

魏書卷八十二

關

列傳第七十

李琰之

祖瑩

常景

魏書卷八十三上

關

列傳第七十一上外戚上

賀訥

弟廬
從弟悅
悅子泥

劉羅辰

姚黃眉

杜超弟子元寶

賀迷

閻毗常英

馮熙

子誕修
誕子穆

李峻

李惠

從孫侃晞

魏書卷八十三下

闕

列傳第七十一下外戚下

高肇

子植

于勁

胡國珍

兄曾孫虔

李延寔

魏書卷八十四 不全

列傳第七十二儒林

梁越

盧醜

張偉

梁祚

平恒

陳竒

常爽

劉獻之

張吾貴

劉蘭

孫惠蔚

徐遵明

董徵

刁冲

盧景裕

李同軌

李業興

魏書卷八十五

闕

列傳第七十三文苑

袁躍

子聿修

裴敬憲

盧觀

封肅

邢臧

裴伯茂

邢昶

溫子昇

魏書卷八十六

闕

列傳第七十四孝感

趙琰

長孫慮

乞伏保

孫益德

董洛生

楊引

閻元明

令狐仕
董吐渾

皇甫奴

兄養

吳悉達

崔承宗

王續生

李顯達

張昇

倉跋

王崇

郭文恭

魏書卷八十七

闕

列傳第七十五節義

于什門

段進

石文德

趙令安
孟蘭強

汲固

王玄威

婁提

蛭拔寅

劉渴侯

朱長生

于提

馬八龍

門文愛

晁清

劉侯仁

石祖興

邵洪哲

王榮世

胡小虎

孫道登

李凡

張安祖

王閭

劉業興
蓋儁

魏書卷八十八

列傳第七十六良吏

張恂

鹿生

張應

宋世景

子季儒

路邕

閻慶胤

明亮

杜纂

裴佗

竇瑗

羊敦

蘇淑

魏書卷八十九 闕

列傳第七十七 酷吏

于洛侯

胡泥

李洪之

高遵

張赦提

趙霸

羊祉

崔暹

酈道元

谷楷

魏書卷九十

列傳第七十八逸士

眭夸

馮亮

李謚

鄭修

魏書卷九十一 不全

列傳第七十九術藝

晁崇

張淵

徐路 高崇祖
孫僧化 信都芳

殷紹

王早

耿玄

劉靈助

江式

周澹

李修

徐謩

王顯

崔彧

蔣少游

侯文和

范寧兒

魏書卷九十二

不全

列傳第八十列女

崔覽妻封氏

封卓妻劉氏

魏溥妻房氏

胡長命妻張氏

平原女子孫氏

房愛親妻崔氏

涇州貞女兕先氏

姚氏婦楊氏

張洪初妻劉氏

董景起妻張氏

陽尼妻高氏

史映周妻耿氏

任城國太妃孟氏

苟金龍妻劉氏

盧元禮妻李氏

河東孝女姚氏

刁思遵妻魯氏

魏書卷九十三

列傳第八十一恩倖

王叡

子襲
叡弟子翔

椿

椿妻魏氏

靜

王仲興

寇猛

趙修

茹皓

劉曹
常季賢
陳掃靜
徐義恭

趙邕

侯剛

鄭儼

徐紇

魏書卷九十四

列傳第八十二閹官

宗愛

仇洛齊子儼

段霸

王琚

趙黑子熾

孫小

張宗之妻兄子蕭彥

劇鵬兄買奴 李豐

張祐子慶

抱嶷從弟老壽

石榮

王遇

苻承祖

王質

李堅

秦松

白整

劉騰

賈粲

楊範

成軌

王溫

孟鸞

平季

封津
兄憑

劉思逸

張景嵩
毛暢

魏書卷九十五

列傳第八十三

匈奴劉聰

父淵
子粲
淵族子曜

羯胡石勒

子大雅
從子
虎子世

遵鑒 冉閔

鐵弗劉虎

子務桓 閔陋
頭 務桓子憲

勿析 衛辰 衛辰子
屈子 屈子子昌 定

徒河慕容廆

子元真 元真子儁 儁

子暉 泓 冲 魔弟孫永 元真子垂 垂子
寶 蘭汗 寶子盛 垂子熙 高雲 元真子

德 德兄子超

臨渭氏苻健

父洪 子生
健弟子堅

堅子丕 丕族子登
登子崇

羗姚萇

父弋仲 兄襄
子興 興子泓

略陽氏呂光

子紹

纂

纂從弟隆

魏書卷九十六

列傳第八十四

僭晉司馬叡

子紹 紹子衍 岳 岳子岬 奔
叡子昱 昱子昌明 昌明子德

宗 德文

賓李雄

父特 叔父流
兄班 雄子期

特弟子壽 壽子勢

魏書卷九十七

列傳第八十五

島夷桓玄

海夷馮跋 弟文通

島夷劉裕

子義符 義隆 義隆子劭 駿 駿
子子業 義隆子彧 彧子昱 準

魏書卷九十八

列傳第八十六

島夷蕭道成

子蹟 蹟孫昭業
驚子寶卷 寶融

道成兄子驚

島夷蕭衍

魏書卷九十九

列傳第八十七

私署涼州牧張寔

父軌
子重華

寔弟茂

寔子駿

駿

作重華子玄靖

駿子天錫

末

鮮卑乞伏國仁

子熾磐
熾磐子暮

鮮卑秃髮烏孤

弟利鹿孤
傳檀

私署涼王李暠

子欽恂

盧水胡沮渠蒙遜

子牧犍秉

牧犍兄子萬年

祖

蒙遜子安周

無諱

魏書卷一百

列傳第八十八

高句麗

百濟

勿吉

失韋

豆莫婁

地豆干

庫莫奚

契丹

烏洛侯

魏書卷一百一

闕

列傳第八十九

氏楊難敵

吐谷渾

乙弗勿敵國
阿蘭國
女王

宕昌羗

高昌

鄧至

蠻

獠

魏書卷一百二

闕

列傳第九十

西域

鄯善

且末

于闐

蒲山

悉居半

龜茲

姑默

溫宿

尉頭

烏孫

疏勒

悅般

耆

至拔

迷密

悉萬斤

怛密

洛那

栗特

波斯

伏盧尼

色知顯

伽色尼

薄知

早伽

至

知

阿弗

大汗

呼似密

諾色

波羅

弗

伽不單

者舌

伽倍

折薛

莫孫

鉗敦

弗

敵沙

閻浮

謂

大月氏

安息

大秦

阿鈞

羗

波路

小月氏

罽賓

吐呼

羅

副貨

南天竺

疊伏羅

拔豆

嚧噠

朱居

渴槃

陀

鉢和

波知

賒彌

烏菴

乾陀

康國

魏書卷一百三

闕

列傳第九十一

蠕蠕

匈奴宇文莫槐

徒河段就六眷

高車

吐突隣部
統奚侯呂隣部

薛于部
越勒倍泥部

破多蘭部
黠弗素古延部

魏書卷一百四

關

列傳第九十二

序傳

志

魏書卷一百五

志第一

天象一之一

魏書卷一百五

志第二

天象一之二

魏書卷一百五

闕

志第三

天象一之三

魏書卷一百五

闕

志第四

天象一之四

魏書卷一百六

志第五

地形二上

魏書卷一百六

志第六

地形二中

魏書卷一百六

志第七

地形二下

魏書卷一百七

志第八

律厯三上

魏書卷一百七

志第九

律厯三下

魏書卷一百八

志第十

禮四之一

魏書卷一百八

志第十一

禮四之二

魏書卷一百八

志第十二

禮四之三

魏書卷一百八

志第十三

禮四之四

魏書卷一百九

志第十四

樂

魏書卷一百十

志第十五

食貨

魏書卷一百一十一

志第十六

刑罰

魏書卷一百一十二

志第十七

靈徵上

魏書卷一百一十二

志第十八

靈徵下

魏書卷一百一十三

志第十九

官氏

魏書卷一百一十四

志第二十

釋老

臣等謹案魏書一百三十卷齊天保中魏收所撰其書是非失實時人疾之號為穢史見於本傳及晁公武陳振孫所論者詳矣隋開皇中命魏澹等別修唐貞觀中陳叔達作五

代史皆不傳而收書獨行後又與李延壽北
史相亂卷第多舛中興書目謂闕太宗紀以
澹書補之闕天文志以張太素書補之二書
既亡而此紀志獨存未知何據今刻本以南
北史通鑑諸書校其可知者各附於卷後而
不可考者仍闕之乾隆四十年十二月恭校
上

總纂官臣紀昀臣陸錫熊臣孫士毅

總校官臣陸費墀

魏書目錄考證

魏書卷三卷十二卷十三卷十四卷十五卷十六卷十七卷十八卷十九上卷二十卷二十二卷二十五卷三十四卷八十一卷八十二卷八十三上下卷八十四卷八十五卷八十六卷八十七卷八十九卷九十一卷九十二卷一百一卷一百二卷一百三卷一百四卷一百五之三四共二十九卷或闕或不全○馮夢禎云元魏書顛末范祖禹序之詳矣時魏收原書

已闕三十餘卷乃雜採李延壽北史修文御覽高氏
小史等書補綴成之非完璧也

列傳第二武衛將軍謂注興都子東陽王丕○

臣人龍

按東陽王名丕樂平王亦名丕他若諸王子孫名相
同者如臨淮王譚趙郡王幹子亦名譚東平王略廣
川王亦名略中山王纂東平王略弟亦名纂陽平王
新成孫融章武王太洛孫亦名融昌樂王誕濟陰王
小新成子鬱鬱弟子亦名誕其他錯見於列傳者更

不可勝數豈傳聞異辭沿襲易舛故致然歟

列傳第七濟陰王小新成注鬱弟子誕○本書濟陰王
傳鬱小新成子據此應首書子鬱今突書鬱弟子誕
不知鬱為何人此句上脫子鬱二字

列傳第二十五司馬景之注兄準○準諸本皆作準之
本書景之傳準字巨之今改正

列傳第四十三劉芳注芳從子思祖芳從子懋○下芳
從子三字衍


魏書目錄考證

謹案第十九頁前七行昶子元明刊本明訛則據
本傳改

第二十三頁前二行元賓子祖枯據宣武紀作朽
又本傳作朽與此互異存疑

第二十四頁後一行纂從弟宣軌刊本軌訛誠據
傳及諸本改

考證第一頁後八行濟陰王小新成刊本陰訛陽
成訛城今改



覆校官編修臣方燁

校對官編修臣朱攸

騰錄監生臣呂燕昭

欽定四庫全書薈要

史部

魏書

卷一至三

詳校官內閣侍讀孫球



欽定四庫全書薈要卷四千四百十五

史部

魏書卷一

齊

魏

收

撰

帝紀第一

序紀

昔黃帝有子二十五人或內列諸華或外分荒服昌意
少子受封北土國有大鮮卑山因以為號其後世為君
長統幽都之北廣漠之野畜牧遷徙射獵為業淳樸為

俗簡易為化不為文字刻木紀契而已世事遠近人相傳授如史官之紀錄焉黃帝以土德王北俗謂土為托謂后為跋故以為氏其裔始均入仕堯世逐女魃於弱水之北民賴其勤帝舜嘉之命為田祖爰歷三代以及秦漢獯鬻獫狁山戎匈奴之屬累代殘暴作害中州而始均之裔不交南夏是以載籍無聞焉積六十七世至成皇帝諱毛立聰明武畧遠近所推統國三十六大姓九十九威振北方莫不率服崩

節皇帝諱貸立崩

莊皇帝諱觀立崩

明皇帝諱樓立崩

安皇帝諱越立崩

宣皇帝諱推寅立南遷大澤方千餘里厥土昏冥沮洳
謀更南徙未行而崩

景皇帝諱利立崩

元皇帝諱侯立崩

和皇帝諱肆立崩

定皇帝諱機立崩

僖皇帝諱蓋立崩

威皇帝諱儉立崩

獻皇帝諱隣立時有神人言於國曰此土荒遐未足以建都邑宜復徙居帝時年衰老乃以位授子

聖武皇帝諱詰汾獻帝命南移山谷高深九難八阻於是欲止有神獸其形似馬其聲類牛先行導引歷年乃

出始居匈奴之故地其遷徙策畧多出宣獻二帝故人
竝號曰推寅蓋俗云鑽研之義初聖武帝嘗率數萬騎
田於山澤歛見輜輶自天而下既至見美婦人侍衛甚
盛帝異而問之對曰我天女也受命相偶遂同寢宿旦
請還曰明年周時復會此處言終而別去如風雨及期
帝至先所田處果復相見天女以所生男授帝曰此君
之子也善養視之子孫相承當世爲帝王語訖而去子
即始祖也故時人諺曰詰汾皇帝無婦家力微皇帝無

舅家帝崩

始祖神元皇帝諱力微立生而英叡

元年歲在庚子先是西部內侵國民離散依於沒鹿回
部大人竇賓始祖有雄傑之度時人莫測後與賓攻西
部軍敗失馬步走始祖使人以所乘駿馬給之賓歸令
其部內求與馬之人當加重賞始祖隱而不言久之賓
乃知大驚將分國之半以奉始祖始祖不受乃進其愛
女賓猶思報恩固問所欲始祖請率所部北居長川賓

乃敬從積十數歲德化大洽諸舊部民咸來歸附
二十九年賓臨終戒其二子使謹奉始祖其子不從乃
陰謀為逆始祖召殺之盡并其衆諸部大人悉皆歛服
控弦上馬二十餘萬

三十九年遷於定襄之盛樂夏四月祭天諸部君長皆
來助祭唯白部大人觀望不至於是徵而戮之遠近肅
然莫不震懾始祖乃告諸大人曰我歷觀前世匈奴蹋
頓之徒苟貪財利抄掠邊民雖有所得而其死傷不足

相補更招寇讎百姓塗炭非長計也於是與魏和親
四十二年遣子文帝如魏且觀風土魏景元二年也文
皇帝諱沙漠汗以國太子留洛陽為魏賓之冠聘問交
市往來不絕魏人奉遺金帛繒絮歲以萬計始祖與隣
國交接篤信推誠不為倚伏以要一時之利寬恕任真
而遐邇歸仰魏晉禪代和好仍密始祖春秋已邁帝以
父老求歸晉武帝具禮護送

四十八年帝至自晉

五十六年帝復如晉其年冬還國晉遺帝錦罽繒綵綿
絹諸物咸出豐厚車牛百乘行達并州晉征北將軍衛
瓘以帝爲人雄異恐爲後患乃密啟晉帝請留不遣晉
帝難於失信不許瓘復請以金錦賂國之大人令致間
隙使相危害晉帝從之遂留帝於是國之執事及外部
大人皆受瓘貨

五十八年方遣帝始祖聞帝歸大悅使諸部大人詣陰
館迎之酒酣帝仰視飛鳥請諸大人曰我爲汝曹取之

援彈飛丸應弦而落時國俗無彈衆咸大驚乃相謂曰
太子風采被服同於南夏兼奇術絕世若繼國統變易
舊俗吾等必不得志不若在國諸子習本淳樸咸以爲
然且離間素行乃謀危害竝先馳還始祖問曰我子既
歷他國進德何如皆對曰太子才藝非常引空弓而落
飛鳥是似得晉人異法怪術亂國害民之兆惟願察之
自帝在晉之後諸子愛寵日進始祖年踰期頤頗有所
惑聞諸大人之語意乃有疑因曰不可容者便當除之

於是諸大人乃馳詣塞南矯害帝既而始祖甚悔之帝
身長八尺英姿瓌偉在晉之日朝士英俊多與親善雅
為人物歸仰後乃追謚焉其年始祖不豫烏丸王庫賢
親近任勢先受衛瓘之貨故欲沮動諸部因在庭中礪
鉞斧諸大人問欲何為答曰上恨汝曹讒殺太子今欲
盡收諸大人長子殺之大人皆信各各散走始祖尋崩
凡饗國五十八年年一百四歲太祖即位尊為始祖
章皇帝諱悉鹿立始祖之子也諸部離叛國內紛擾饗

國九年而崩

平皇帝諱綽立章帝之少弟也雄武有智略威德復舉
七年匈奴宇文部大人莫槐為其下所殺更立莫槐弟
普撥為大人帝以女妻撥子丘不懃帝饗國七年而崩
思皇帝諱弗立文帝之少子也聰哲有大度為諸父兄
所重政崇寬簡百姓懷服饗國一年而崩

昭皇帝諱祿官立始祖之子也分國為三部帝自以一
部居東在上谷北濡源之西東接宇文部以文帝之長

子桓皇帝諱猗也統一部居代郡之參合陂北以桓帝之弟穆皇帝諱猗盧統一部居定襄之盛樂故城自始祖以來與晉和好百姓乂安財畜富實控弦騎士四十餘萬是歲穆帝始出并州遷雜胡北徙雲中五原朔方又西渡河擊匈奴烏桓諸部自杏城以北八十里迄長城原夾道立碣與晉分界

二年葬文帝及皇后封氏初思帝欲改葬未果而崩至是述成前意焉晉成都王司馬穎遣從事中郎田思河

間王司馬顥遣司馬靳利并州刺史司馬騰遣主簿梁天竝來會葬遠近赴者二十萬人

三年桓帝度漠北巡因西略諸國

四年東部未耐婁大人倍斤入居遼東

五年宇文莫廆之子遜昵延朝貢帝嘉其誠款以長女妻焉

七年桓帝至自西略諸降附者二十餘國凡積五歲今始東還

十年晉惠帝為成都王穎逼留在鄴匈奴別種劉淵反於離石自號漢王并州刺史司馬騰來乞師桓帝率十餘萬騎帝亦同時大舉以助之大破淵衆於西河上黨會惠帝還洛騰乃辭師桓帝與騰盟於汾東而還乃使輔相衛雄段繁於參合陂西累石為亭樹碑以記行焉十一年劉淵攻司馬騰騰復乞師桓帝以輕騎數千救之斬淵將綦毋勝淵南走蒲子晉假桓帝大單于金印紫綬是歲桓帝崩帝英傑魁岸馬不能勝常乘安車駕

大牛牛角容一石帝曾中蠱嘔吐之地仍生榆木參合
陂土無榆樹故世人異之至今傳記帝統部凡十一年
後定襄侯衛操樹碑於大邦城以頌功德子普根代立
十二年實人李雄僭帝號於蜀自稱大成

十三年昭帝崩徒何大單于慕容廆遣使朝貢是歲羯
胡石勒與晉馬牧帥汲桑反

穆皇帝天姿英特勇略過人昭帝崩後遂總攝三部以
為一統

元年劉淵僭帝號自稱大漢

三年晉并州刺史劉琨遣使以子遵為質帝嘉其意厚
報饋之白部大人叛入西河鐵弗劉虎舉衆於鴈門以
應之攻琨新興鴈門二郡琨來乞師帝使弟子平文皇
帝將騎二萬助琨擊之大破白部次攻劉虎屠其營落
虎收其餘燼西走度河竄居朔方晉懷帝進帝大單于
封代公帝以封邑去國懸遠民不相接乃從琨求句注
陁北之地琨自以託附聞之大喜乃徙馬邑陰館樓煩

繁峙崞五縣之民於陘南更立城邑盡獻其地東接代郡西連西河朔方方數百里帝乃徙十萬家以充之劉琨又遣使乞師救洛陽帝遣步騎二萬助之晉太傅東海王司馬越辭以洛中饑饉師乃還是年劉淵死子聰僭立

四年劉琨牙門將邪延據新興叛招引劉聰帝遣軍討之聰退走

五年劉琨遣使乞師以討劉聰石勒帝以琨忠義矜而

許之會聰遣其子粲襲晉陽害琨父母而據其城琨來告難帝大怒遣長子六脩桓帝子普根及衛雄范班姬澹等爲前鋒帝躬統大衆二十萬爲後繼粲懼焚輜重突圍遁走縱騎追之斬其將劉儒劉豐簡令張平邢延伏尸數百里琨來拜謝帝以禮待之琨固請進軍帝曰吾不早來致卿父母見害誠以相愧今卿已復州境然吾遠來士馬疲弊且待終舉賊矣可盡乎饋琨馬牛羊各千餘車令百乘又面動銳戍之而還是年晉雍州刺史

史賈疋京兆太守閻鼎以晉懷帝爲劉聰所執共立懷
帝兄子秦王業爲太子於長安稱行臺帝復戒嚴與琨
更剋大舉命琨自列晉行臺部分諸軍帝將遣十萬騎
從西河鑒谷南出晉軍從蒲坂東度會於平陽就食聰
粟迎復晉帝事不果行

六年城盛樂以爲北都脩故平城以爲南都帝登平城
西山觀望地勢乃更南百里於灑水之陽黃瓜堆築新
平城晉人謂之小平城使長子六脩鎮之統領南部

七年帝復與劉琨約期會於平陽會石勒擒王浚國有
匈奴雜胡萬餘家多勒種類聞勒破幽州乃謀為亂欲
以應勒發覺伏誅討聰之計於是中止

八年晉愍帝進帝為代王置官屬食代常山二郡帝忿
聰勒之亂志欲平之先是國俗寬簡民未知禁至是明
刑峻法諸部民多以違命得罪凡後期者皆舉部戮之
或有室家相攜而赴死所人問何之答曰當往就誅其
威嚴伏物皆此類也

九年帝召六脩六脩不至帝怒討之失利乃微服民間
遂崩普根先守外境聞難來赴攻六脩滅之衛雄姬澹
率晉人及烏丸三百餘家隨劉遵南奔并州普根立月
餘而薨普根子始生桓帝后立之其冬普根子又薨是
年李雄遣使朝貢

平文皇帝諱鬱律立思帝之子也姿質雄壯甚有威略
元年歲在丁丑

二年劉虎據朔方來侵西部帝逆擊大破之虎單騎送

走其從弟路孤率部落內附帝以女妻之西無烏孫故
地東吞勿吉以西控弦上馬將有百萬劉聰死子粲僭
立為其將靳準所殺淵族子曜僭立帝聞晉愍帝為曜
所害顧謂大臣曰今中原無主天其資我乎劉曜遣使
請和帝不納是年司馬叡僭稱大位於江南

三年石勒自稱趙王遣使乞和請為兄弟帝斬其使以
絕之

四年私署涼州刺史張茂遣使朝貢

五年僭晉司馬叡遣使韓暢加崇爵服帝絕之治兵講武有平南夏之意桓帝后以帝得衆心恐不利於己子害帝遂崩大人死者數十人天興初尊曰太祖

惠皇帝諱賀偁立桓帝之中子也以五年為元年未親政事太后臨朝遣使與石勒通和時人謂之女國使二年司馬叡死子紹僭立

四年帝始臨朝以諸部人情未悉款順乃築城於東木根山徙都之是年張茂死兄寔子駿立遣使朝貢

五年帝崩是年司馬紹死子衍僭立

煬皇帝諱紇那立惠帝之弟也以五年為元年

三年石勒遣石虎率騎五千來寇邊部帝禦之於句注
陁北不利遷於大寧時烈帝居於舅賀蘭部帝遣使求
之賀蘭部帥藹頭擁護不遣帝怒召宇文部并勢擊藹
頭宇文衆敗帝還大寧

四年石勒擒劉曜

五年帝出居於宇文部賀蘭及諸部大人共立烈帝

烈皇帝諱翳槐立平文之長子也以五年為元年石勒遣使求和帝遣弟昭成皇帝如襄國從者五千餘家二年石勒僭立自稱大趙王

五年勒死子大雅僭立慕容廆死子元真代立

六年石虎廢大雅僭立李雄死兄子班立雄子期殺班自立

七年謁頭不脩臣職召而戮之國人復貳煬帝自宇文部還入諸部大人復奉之

煬皇帝復立以七年爲後元年烈帝出居於鄴石虎奉第宅伎妾奴婢什物

三年石虎遣將李穆率騎五千納烈帝於大寧國人六千餘落叛煬帝煬帝出居於慕容部

烈皇帝復立以三年爲後元年城新盛樂城在故城東南十里一年而崩

昭成皇帝諱什翼犍立平文之次子也生而奇偉寬仁大度喜怒不形于色身長八尺隆準龍顏立髮委地臥

則乳垂至席烈帝臨崩顧命曰必迎立什翼犍社稷可
安烈帝崩帝弟孤乃自詣鄴奉迎與帝俱還事在孤傳
十一月帝即位於繁峙之北時年十九稱建國元年是
歲李雄從弟壽殺期僭立自號曰漢

二年春始置百官分掌衆職東自濊貊西及破洛那莫
不款附夏五月朝諸大人於參合陂議欲定都澠源川
連日不決乃從太后計而止語在皇后傳娉慕容元真
妹爲皇后

三年春移都於雲中之盛樂宮

四年秋九月築盛樂城於故城南八里皇后慕容氏崩
冬十月劉虎寇西境帝遣軍逆討大破之虎僅以身免
虎死子務桓立始來歸順帝以女妻之十二月慕容元
真遣使朝貢并薦其宗女

五年夏五月幸參合陂秋七月七日諸部畢集設壇埽
講武馳射因以為常八月還雲中是年秋司馬衍死弟
岳偕立

六年秋八月慕容元真遣使請薦女是年李壽死子勢
僭立遣使朝貢

七年春二月遣大人長孫秩迎后慕容氏元真之女於
境夏六月皇后至自和龍秋七月慕容元真遣使奉聘
求交婚帝許之九月以烈帝女妻之其年司馬岳死子
聃僭立

八年慕容元真遣使朝貢是年張駿私暑假涼王
九年石虎遣使朝貢是年張駿死子重華代立

十年遣使詣鄴觀釁是年司馬聃擒李勢張重華遣使朝貢

十一年慕容元真死子儁代立

十二年西巡至河而還是年石虎死子世立世兄遵殺世自立遵兄鑒殺遵自立

十三年魏郡人冉閔殺石鑒僭立

十四年帝曰石胡衰滅冉閔肆禍中州紛梗莫有匡救吾將親率六軍廓定四海乃勅諸部各率所統以俟大

期諸大人諫曰今中州大亂誠宜進取如聞豪彊竝起不可一舉而定若或留連經歷歲稔恐無永逸之利或有虧損之憂帝乃止是歲氏苻健僭稱大位自號大秦十五年慕容儁滅冉閔僭尊號

十六年慕容儁遣使朝貢是年張重華死子曜靈立重華庶兄祚殺曜靈而自立稱涼公

十七年遣使於慕容儁張祚復稱涼王置百官遣使朝貢

十八年太后王氏崩是年苻健死子生僭立羌姚襄自稱大將軍大單于張瓘宋混殺張祚立重華少子玄靖稱涼王

十九年春正月劉務桓死其弟閼頭立潛謀反叛二月帝西巡因而臨河使人招喻閼頭從命冬慕容儁來請婚許之

二十年夏五月慕容儁奉納禮幣是年苻堅殺苻生而僭立姚襄爲苻眉所殺

二十一年閼頭部民多叛懼而東走渡河半濟而水陷
後衆盡歸閼頭兄子悉勿祈初閼頭之叛悉勿祈兄弟
十二人在帝左右盡遣歸欲其自相猜離至是悉勿祈
奪其衆閼頭窮而歸命帝待之如初

二十二年春帝東巡至於桑乾川三月慕容儁遣使朝
貢夏四月帝還雲中悉勿祈死弟衛辰立秋八月衛辰
遣子朝貢

二十三年夏六月皇后慕容氏崩秋七月衛辰來會葬

因而求婚許之是歲慕容儁死子暉立遣使致賻

二十四年春衛辰遣使朝聘是年司馬聃死衍子千齡
僭立

二十五年帝南巡至君子津冬十月行幸代十一月慕
容暉薦女備後宮

二十六年冬十月帝討高車大破之獲萬口馬牛羊百
餘萬頭是年張重華弟天錫殺玄靖而自立

二十七年春車駕還雲中冬十一月討沒歌部破之獲

牛馬羊數百萬頭

二十八年春正月衛辰謀反東渡河帝討之衛辰懼而遁走冬十二月苻堅遣使朝貢是歲司馬千齡死弟奕僭立

二十九年夏五月遣燕鳳使苻堅

三十年冬十月帝征衛辰時河冰未成帝乃以葦絙約澌俄然冰合猶未能堅乃散葦於上冰草相結如浮橋焉衆軍利涉出其不意衛辰與宗族西走收其部落而

還俘獲生口及馬牛羊數十萬頭

三十一年春帝至自西伐班賞各有差

三十二年正月帝南幸君子津冬十月幸代

三十三年冬十一月征高車大破之是年苻堅擒慕容

暉

三十四年春長孫斤謀反伏誅斤之反也拔刃向御座
太子獻明皇帝諱寔格之傷脇夏五月薨後追諡焉秋
七月皇孫珪生大赦是年司馬奕臣桓溫廢奕為海西

公立獻子昱

三十五年司馬昱死子昌明僭立

三十六年夏五月遣燕鳳使苻堅

三十七年帝征衛辰衛辰南走

三十八年衛辰求援於苻堅

三十九年苻堅遣其大司馬苻洛率衆二十萬及朱彤
張蚝鄧羌等諸道來寇侵逼南境冬十一月白部獨孤
部禦之敗績南部大人劉庫仁走雲中帝復遣庫仁率

騎十萬逆戰於石子嶺王師不利帝時不豫羣臣莫可
任者乃率國人避於陰山之北高車雜種盡叛四面寇
鈔不得芻牧復度漠南堅軍稍退乃還十二月至雲中
旬有二日帝崩時年五十七太祖即位尊曰高祖帝雅
性寬厚智勇仁恕時國中少繒帛代人許謙盜絹二匹
守者以告帝匿之謂燕鳳曰吾不忍視謙之面卿勿泄
言謙或慙而自殺爲財辱士非也帝嘗擊西部叛賊流
矢中目賊破之後諸大臣執射者各持錐刀欲屠割之

帝曰彼各爲其主何罪也乃釋之是歲苻堅滅張天錫
史臣曰帝王之興也必有積德累功博利道協幽顯方
契神祇之心有魏奄迹幽方世居君長淳化育民與時
無競神元生自天女桓穆勤於晉室靈心人事夫豈徒
然昭成以雄傑之姿包君子之量征伐四克威被荒遐
乃立號改都恢隆大業終於百六十載光宅區中其原
固有由矣

魏書卷一

魏書卷一考證

序紀始均之裔不交南夏是以載籍無聞焉積六十七

世至成皇帝諱毛立。

臣照

按北史作六七十代蓋

李延壽意謂始均自堯時以迄兩漢豈能確數爲六

十七世故約略其文耳顧外域傳習舊聞龐固專壹

魏收必非無據而定爲六十七者不可以彼議此也

昭帝紀帝英傑魁岸。北史帝字上有桓字蓋上文稱
桓帝率十餘萬騎帝亦同時大舉以助之帝謂昭帝

也則此帝字及下帝統部凡十一年句皆指桓帝北
史文較明顯

徒何大單于慕容廆○綱目集覽何作河徒河漢縣名
屬平州故城在遼東廣寧中屯衛境北史慕容氏與
段氏俱稱徒河本書或作河或作何前後互異

穆帝紀乃從琨求句注陁北之地○注監本訛作主句
注山名在今代州地本卷帝禦之于句注陁北亦作
注今改正

然吾遠來士馬疲弊且待終舉賊矣可盡乎○

臣照按

文義疑應作且待終舉矣賊可盡乎終舉猶言後舉也賊可盡乎即左傳盡敵而返敵可盡乎之義盡音儘

晉雍州刺史賈疋○疋監本訛匹疋即雅字古文也从一从止與疋字或作匹者不同今改正

昭成帝紀娉慕容元真妹爲皇后○元真北史作晃又一本娉作聘晉書載記晃字元真今不稱晃蓋避景

穆諱也說文娉同聘與娉婷字作平聲者別

魏書卷一考證

欽定四庫全書薈要卷四千四百十六

史部

魏書卷二

齊

魏

收

撰

帝紀第二

太祖紀

太祖道武皇帝諱珪昭成皇帝之嫡孫獻明皇帝之子也母曰獻明賀皇后初因遷徙遊于雲澤既而寢息夢日出室內寤而見光自牖屬天歟然有感以建國三十

四年七月七日生太祖於參合陂北其夜復有光明昭成大悅羣臣稱慶大赦告於祖宗保者以帝體重倍於常兒竊獨奇恠明年有榆生於埋胞之坎後遂成林弱而能言目有光曜廣顙大耳衆咸異之年六歲昭成崩苻堅遣將內侮將遷帝於長安既而獲免語在燕鳳傳堅軍既還國衆離散堅使劉庫仁劉衛辰分攝國事南部大人長孫嵩及元他等盡將故民南依庫仁帝於是轉幸獨孤部

元年葬昭成皇帝於金陵營梓宮木梯盡生成林帝雖
沖幼而巍然不羣庫仁常謂其子曰帝有高天下之志
興復洪業光揚祖宗者必此主也

二年冬十月苻堅敗于淮南是月慕容文等殺庫仁庫
仁弟眷攝國部

八年慕容暉弟沖僭立姚萇自稱大單于萬年秦王慕
容垂僭稱燕王

九年庫仁子顯殺眷而代之乃將謀逆商人王霸知之

履帝足於衆中帝乃馳還是時故大人梁蓋盆子六眷
為顯謀主盡知其計密使部人穆宗馳告帝乃陰結舊
臣長孫犍元他等秋八月乃幸賀蘭部其日顯果使人
求帝不及語在獻明太后傳是歲鮮卑乞伏國仁私署
大單于苻堅為姚萇所殺子丕僭立

登國元年春正月戊申帝即代王位郊天建元大會於
牛川復以長孫嵩為南部大人以叔孫普洛為北部大
人班爵敘勲各有差二月幸定襄之盛樂息衆課農三

月劉顯自善無南走馬邑其族奴真率所部來降夏四月改稱魏王五月車駕東幸陵石護佛侯部帥侯辰乙弗部帥代題叛走諸將追之帝曰侯辰等世脩職役雖有小愆宜且忍之當今草創人情未一愚近者固應趯趯不足追也秋七月己酉車駕還盛樂代題復以部落來降旬有數日亡奔劉顯帝使其孫倍斤代領部落是月劉顯弟亢涅率騎掠奴真部落既而率以來降初帝叔父窟咄爲苻堅徙于長安因隨慕容永永以爲新興

太守八月劉顯遣弟亢迎窟咄以兵隨之來逼南境
於是諸部騷動人心顧望帝左右于植等與諸部人謀
爲逆以應之事泄誅造謀者五人餘悉不問帝慮內難
乃北踰陰山幸賀蘭部阻山爲固遣行人安同長孫賀
使于慕容垂以徵師垂遣使朝貢并令其子賀麟帥步
騎以隨同等冬十月賀麟軍未至而寇已前逼於是北
部大人叔孫普洛等十三人及諸烏丸亡奔衛辰帝自
弩山遷幸牛川屯于延水南出代谷會賀麟於高柳大

破窟咄窟咄奔衛辰衛辰殺之帝悉收其衆十二月慕容垂遣使朝貢奉帝西單于印綬封上谷王帝不納是歲慕容垂僭稱皇帝於中山自號大燕苻丕死苻登自立於隴東姚萇稱皇帝於長安自號大秦慕容沖為部下所殺慕容永僭立

二年春正月班賜功臣長孫嵩等七十三人各有差二月帝幸寧川夏五月遣行人安同徵兵於慕容垂垂使子賀麟率衆來會六月帝親征劉顯於馬邑南追至彌

澤大破之顯南奔慕容永盡收其部落秋八月帝至自
伐顯冬十月癸卯幸濡源遣外朝大人王建使於慕容
垂十一月遂幸赤城十有二月巡松漠還幸牛川

三年春二月帝東巡夏四月幸東赤城五月癸亥北征
庫莫奚六月大破之獲其四部雜畜十餘萬渡弱落水
班賞將士各有差秋七月庚申庫莫部帥鳩集遺散夜
犯行宮縱騎撲討盡殺之其月帝還赤城八月使九原
公元儀使於慕容垂冬十月慕容垂遣使朝貢十有二

月辛卯車駕西征至女水討解如部大破之獲男女雜畜十數萬是歲乞伏國仁死弟乾歸立私署河南王四年春正月甲寅襲高車諸部落大破之二月癸巳至女水討叱突鄰部大破之戊戌賀染干兄弟率諸部來救與大軍相遇逆擊走之夏四月行還赤城五月陳留公元虔使於慕容垂冬十月垂遣使朝貢是歲氐呂光自稱三河王遣使朝貢

五年春三月甲申帝西征次鹿渾海襲高車袁紇部大

破之虜獲生口馬牛羊二十餘萬慕容垂遣子賀麟率衆來會夏四月丙寅行幸意辛山與賀麟討賀蘭紇突鄰紇奚諸部落大破之六月還幸牛川衛辰遣子直力鞬寇賀蘭部圍之賀訥等請降告困秋七月丙子帝引兵救之至羊山直力鞬退走八月還幸牛川遣秦王觚使於慕容垂九月壬申討叱奴部於囊曲河大破之冬十月遷雲中討高車豆陳部於狼山破之十有一月紇奚部大人庫寒舉部內屬十有一月紇突鄰大人屈地

韃舉部內屬帝還次白漠

六年春二月幸紐埵川三月遣九原公元儀陳留公元
虔等西討黠弗部大破之夏四月祠天六月慕容賀麟
破賀訥於赤城帝引兵救之麟退走秋七月壬申講武
於牛川行還紐埵川慕容垂止元觚而求名馬帝絕之
乃遣使於慕容永永使其大鴻臚慕容鈞奉表勸進尊
號其月衛辰遣子直力鞬出柁陽塞侵及黑城九月帝
襲五原屠之收其積穀還紐埵川於柁陽塞北樹碑記

功冬十月戊戌北征蠕蠕追之及於大磧南牀山下大破之班賜從臣各有差其東西二部主匹候跋及緼紇提斬別帥屋擊于事具蠕蠕傳十有一月戊辰還幸紐埡川戊寅衛辰遣子直力鞮寇南部己卯車駕出討壬午大破直力鞮軍於鐵岐山南獲其器械輜重牛羊二十餘萬戊子自五原金津南渡河辛卯次其所居悅跋城衛辰父子奔遁壬辰詔諸將追之擒直力鞮十有二月獲衛辰尸斬以徇遂滅之語在衛辰傳衛辰少子屈

丐亡奔薛于部車駕次于鹽池自河以南諸部悉平簿其珍寶畜產名馬三十餘萬匹牛羊四百餘萬頭班賜大臣各有差收衛辰子弟宗黨無少長五千餘人盡殺之山胡酋大幡頽業易于等率三千餘家降附出居于馬邑是歲起河南宮

七年春正月幸木根山遂次黑鹽池饗宴羣臣覲諸國貢使北之美水三月甲子宴羣臣於水濱還幸河南宮西部泣黎大人茂鮮叛走遣南部大人長孫嵩追討大

破之夏五月班賜諸官馬牛羊各有差秋八月行幸漠南仍築巡臺冬十有二月慕容永遣使朝貢是歲皇子嗣生

八年春正月帝南巡二月幸殺羊原赴白樓三月車駕西征侯呂鄰部夏四月至苦水大破之五月還幸白樓慕容垂討慕容永於長子六月車駕北巡永來告急遣陳留公元虔將軍庾岳率騎五萬東度河救之破類拔部帥劉曜等徙其部落元虔等因屯秀容慕容垂遂圍

長子秋七月車駕臨幸新壇庚寅宴羣臣仍講武先是
衛辰子屈丐奔薛于部徵之不送八月帝南征薛于部
帥太悉佛於三城會其先出擊曹覆帝乘虛屠其城獲
太悉佛子珍寶徙其民而還太悉佛聞之來赴不及遂
奔姚興九月還幸河南宮是歲姚萇死

九年春三月帝北巡使東平公元儀屯田於河北五原
至於柁陽塞外夏五月田於河東秋七月還幸河南宮
冬十月蠕蠕社崙等率部落西走事具蠕蠕傳是歲姚

長子興僭立殺苻登慕容垂滅永

十年春正月太悉佛自長安還嶺北上郡以西皆應之
夏五月幸鹽池六月還幸河南宮秋七月慕容垂遣其
子寶來寇五原造舟收穀帝遣右司馬許謙徵兵於姚
興東平公元儀徙據朔方八月帝親治兵於河南九月
進師臨河築臺告津連旌沿河東西千里有餘是時陳
留公元虔五萬騎在東以絕其左元儀五萬騎在河北
以承其後畧陽公元遵七萬騎塞其中山之路冬十月

辛未寶燒船夜遁十一月己卯帝進軍濟河乙酉夕至
參合陂丙戌大破之語在寶傳生擒其陳留王紹魯陽
王倭奴桂林王道成濟陰公尹國北地王世子鍾葵安
定王世子羊兒以下文武將吏數千人器甲輜重軍資
雜財十餘萬計於俘虜之中擢其才識者賈彝賈閏晁
崇等與參謀議憲章故實班賞大臣將校各有差十有
二月還幸雲中之盛樂

皇始元年春正月大蒐于定襄之虎山因東幸善無北

陂三月慕容垂來寇桑乾川陳留公元虔先鎮平城時徵兵未集虔率麾下邀擊失利死之垂遂至平城西北踰山結營聞帝將至乃築城自守疾甚遂遁走死於上谷子寶匿喪而還至中山乃僭立夏六月癸酉遣將軍王建等三軍討寶廣寧太守劉亢塗斬之徙其部落寶上谷太守慕容普鄰捐郡奔走丁亥皇太后賀氏崩是月葬獻明太后秋七月左司馬許謙上書勸進尊號帝始建天子旌旗出入警蹕於是改元八月庚寅治兵于

東郊己亥大舉討慕容寶帝親勒六軍四十餘萬南出馬邑踰于句注旌旗駱驛二千餘里鼓行而前民屋皆震別詔將軍封真等三軍從東道出襲幽州圍薊九月戊午次陽曲乘西山臨觀晉陽命諸將引騎圍脇已而罷還寶并州牧遼西王農大懼將妻子棄城夜出東遁并州平初建臺省置百官封公侯將軍刺史太守尚書郎已下悉用文人帝初拓中原留心慰納諸士大夫詣軍門者無少長皆引入賜見存問周悉人得自盡苟有

微能咸蒙敘用己未詔輔國將軍奚牧畧地晉川獲慕
容寶丹陽王買得等於平陶城冬十月乙酉車駕出井
陘使冠軍將軍王建左軍將軍李粟五萬騎先驅啟行
十有一月庚子朔帝至真定自常山以東守宰或捐城
奔竄或稽顙軍門唯中山鄴信都三城不下別詔征東
大將軍東平公儀五萬騎南攻鄴冠軍將軍王建左軍
將軍李粟等攻信都軍之所行不得傷民桑棗戊午進
軍中山己未引騎圍之帝謂諸將曰朕量寶不能出戰

必當憑城自守偷延日月急攻則傷士久守則費糧不如先平鄴信都然後還取中山於計為便若移軍遠去寶必散衆求食民間如此則人心離阻攻之易克諸將稱善丁卯車駕幸魯口城是歲司馬昌明死子德宗僭立遣使朝貢呂光僭稱天王號大涼遣使朝貢

二年春正月己亥朔大饗羣臣於魯口慕容寶遣其左衛將軍慕容騰寇博陵殺中山太守及高陽諸縣令長抄掠租運是時信都未下庚申乃進軍壬戌引騎圍之

其夜寶冀州刺史宜都王慕容鳳踰城奔走歸于中山
癸亥寶輔國將軍張驤護軍將軍徐超率將吏已下舉
城降寶聞帝幸信都乃趣博陵之深澤屯滹沱水遣弟
賀麟寇楊城殺常山守兵三百餘人寶悉出珍寶及宮
人招募郡縣羣盜無賴者多應之二月己巳帝進幸楊
城丁丑軍于鉅鹿之栢肆塢臨滹沱水其夜寶悉衆犯
營燎及行宮兵人駭散帝驚起不及衣冠跣出擊鼓俄
而左右及中軍將士稍稍來集帝設奇陳列烽營外縱

騎衝之寶衆大敗斬首萬餘級擒其將軍高長等四千餘人戊寅寶走中山獲其器仗輜重數十萬計寶尚書閔亮祕書監崔逞太常孫沂殿中侍御史孟輔等並降者相屬賜拜職爵各有差平原徐超聚衆反於畔城詔將軍奚辱捕斬之并州守將封真率其種族與徒何爲逆將攻刺史元延延討平之是時栢肆之役遠近流言賀蘭部帥附力眷紇突鄰部帥匿物尼紇奚部帥叱奴根聚黨反於陰館南安公元順率軍討之不克死者

數千詔安遠將軍庾岳總萬騎還討叱奴根等滅之三
月己酉車駕次于盧奴寶遣使求和請送元觚割常山
以西奉國乞守中山以東帝許之已而寶背約辛亥車
駕次中山命諸將圍之是夜寶弟賀麟將妻子出走西
山寶見賀麟走恐先據和龍壬子夜遂將其妻子及兄
弟宗族數千騎北遁寶將李沈王次多張超賈歸等來
降遣將軍長孫肥追之至范陽不及而還城內共立慕
容普鄰爲主夏四月帝以軍糧未繼乃詔征東大將軍

東平公元儀罷鄴圍徙屯鉅鹿積租楊城普鄰出步卒
六千餘人伺間犯諸屯兵詔將軍長孫肥等輕騎挑之
帝以虎隊五千橫截其後斬首五千生虜七百人宥而
遣之夏五月庚子大賞功臣帝以中山城內為普鄰所
脇而大軍迫之欲降無路乃密招喻之甲辰曜兵揚威
以示城內命諸軍罷圍南徙以待其變甲寅以東平公
元儀為驃騎大將軍都督中外諸軍事充豫雍荆徐揚
六州牧左丞相封衛王襄城公元題進封為王秋七月

普鄰遣烏丸張驤率五千餘人出城求食寇常山之靈壽殺害吏民賀麟自丁零中入于驤軍因其衆復入中山殺普鄰而自立帝還幸魯口遣將軍長孫肥一千騎襲中山入其郛而還八月丙寅朔帝自魯口進軍常山之九門時大疫人馬牛多死帝問疫於諸將對曰在者纔十四五是時中山猶拒守而饑疫並臻羣下咸思還北帝知其意因謂之曰斯固天命將若之何四海之人皆可與為國在吾所以撫之耳何恤乎無民羣臣乃不

敢復言遣撫軍大將軍畧陽公元遵襲中山芟其禾菜
入郭而還九月賀麟饑窮率三萬餘人出寇新市甲子
晦帝進軍討之太史令晁崇奏曰不吉帝曰其義云何
對曰昔紂以甲子亡兵家忌之帝曰紂以甲子亡周武
不以甲子勝乎崇無以對冬十月丙寅帝進軍新市賀
麟退阻泝水依漸洳澤以自固甲戌帝臨其營戰於義
臺塢大破之斬首九千餘級賀麟單馬走西山遂奔鄴
慕容德殺之甲申其所署公卿尚書將吏士卒降者二

萬餘人其將張驤李沈慕容文等先來降尋皆亡還是
日復獲之皆赦而不問獲其所傳皇帝璽綬圖書府庫
珍寶簿列數萬班賜功臣及將士各有差中山平乙酉
襄城王題薨丁亥遣三萬騎赴衛王儀將以攻鄴是歲
鮮卑禿髮烏孤私署大單于西平王

天興元年春正月慕容德走保滑臺儀克鄴收其倉庫
詔賞將士各有差儀追德至於河不及而還庚子車駕
自中山行幸常山之真定次趙郡之高邑遂幸于鄴民

有老不能自存者詔郡縣賑恤之帝至鄴巡登臺榭遍
覽宮城將有定都之意乃置行臺以龍驤將軍日南公
和跋爲尚書與左丞賈彝率郎吏及兵五千人鎮鄴車
駕自鄴還中山所過存問百姓詔大軍所經州郡復貲
租一年除山東民租賦之半車駕將北還發卒萬人治
直道自望都鐵關鑿恒嶺至代五百餘里帝慮還後山
東有變乃置行臺於中山詔左丞相守尚書令衛王儀
鎮中山撫軍大將軍畧陽公元遵鎮渤海之合口右軍

將軍尹國先督租于冀州聞帝將還謀反欲襲信都安
南將軍長孫嵩執送斬之辛酉車駕發自中山至于望
都堯山徙山東六州民吏及徒何高麗雜夷三十六萬
百工伎巧十萬餘口以充京師車駕次于恒山之陽博
陵渤海章武羣盜並起畧陽公元遵等討平之廣川太
守賀盧殺冀州刺史王輔驅勒守兵抄掠陽平頓丘諸
郡遂南渡河奔慕容德二月車駕自中山幸繁峙宮更
選屯衛詔給內徙新民耕牛計口受田三月離石胡帥

呼延鐵西河胡帥張崇等聚黨數千人叛詔安遠將軍
庾岳討平之漁陽羣盜庫儻官韜聚衆反詔中堅將軍
伊謂討之徵左丞相衛王儀還京師詔畧陽公遵代鎮
中山夏四月壬戌進遵封常山王南安公元順進封毗
陵王征虜將軍歷陽公穆崇為太尉安南將軍鉅鹿公
長孫嵩為司徒帝祠天於西郊旗幟有加焉廣平太守
遼西公元意烈謀反於郡賜死原其妻子鄜城屠各董
羌杏城盧水郝奴河東蜀薛榆氏帥符興各率其種內

附六月丙子詔有司議定國號羣臣曰昔周秦以前世居所生之土有國有家及王天下即承為號自漢以來罷侯置守時無世繼其應運而起者皆不由尺土之資今國家萬世相承啟基雲代臣等以為若取長遠應以代為號詔曰昔朕遠祖總御幽都控制遐國雖踐王位未定九州逮于朕躬處百代之季天下分裂諸華之主民俗雖殊撫之在德故躬率六軍掃平中土凶逆蕩除遐邇率服宜仍先號以為魏焉布告天下咸知朕意秋

七月遷都平城始營宮室建宗廟立社稷漁陽羣盜庫
儻官韜復聚黨爲寇詔冠軍將軍王建討平之八月詔
有司正封畿制郊甸端徑術標道里平五權較五量定
五度遣使循行郡國舉奏守宰不法者親覽察黜陟之
九月烏丸張驤子超收合亡命聚黨二千餘家據勃海
之南皮自號征東大將軍烏丸王抄掠諸郡詔將軍庾
岳討之冬十月起天文殿十有一月辛亥詔尚書吏部
郎中鄧淵典官制立爵品定律呂協音樂儀曹郎中董

謚撰郊廟社稷朝覲饗宴之儀三公郎中王德定律令
申科禁太史令晁崇造渾儀考天象吏部尚書崔玄伯
總而裁之閏月左丞相驃騎大將軍衛王儀及諸王公
卿士詣闕上書曰臣等聞宸極居中則列宿齊其晷帝
王順天則羣后仰其度伏惟陛下德協二儀道隆三五
仁風被於四海盛化塞于大區澤及昆蟲恩霑行葦謳
歌所屬八表歸心軍威所及如風靡草萬姓顙顙咸思
係命而躬履謙虛退身後已宸儀未彰袞服未御非所

以上允皇天之意下副樂推之心宜光崇聖烈示軌憲
於萬世臣等謹昧死以聞帝三讓乃許之十有二月己
丑帝臨天文殿太尉司徒進璽綬百官咸稱萬歲大赦
改年追尊成帝已下及后號謚樂用皇始之舞詔百司
議定行次尚書崔玄伯等奏從土德服色尚黃數用五
未祖辰臘犧牲用白五郊立氣宣贊時令敬授民時行
夏之正徙六州二十二郡守宰豪傑吏民二千家于代
都是歲蘭汗殺慕容寶而自立寶子盛殺汗僭立慕容

德自稱燕王

二年春正月甲子初祠上帝于南郊以始祖神元皇帝配降壇視燎成禮而反乙丑曲赦京師始制三駕之法庚午車駕北巡分命諸將大襲高車大將軍常山王遵等三軍從東道出長川鎮北將軍高涼王樂真等七軍從西道出牛川車駕親勒六軍從中道自駁髯水西北二月丁亥朔諸軍同會破高車雜種三十餘部獲七萬餘口馬三十餘萬匹牛羊百四十餘萬驃騎大將軍衛

王儀督三萬騎別從西北絕漠千餘里破其遺迸七部
獲二萬餘口馬五萬餘匹牛羊二十餘萬頭高車二十
餘萬乘并服玩諸物還次牛山及薄山並刻石記功班
賜從臣各有差庚戌征虜將軍庾岳破張超於勃海超
走平原爲其黨所殺以所獲高車衆起鹿苑於南臺陰
北距長城東包白登屬之西山廣輪數十里鑿渠引武
川水注之苑中疏爲三溝分流宮城內外又穿鴻鴈池
三月己未車駕至自北伐甲子初令五經羣書各置博

士增國子太學生員三千人是月氏人李辯叛慕容德求援於鄴行臺尚書和跋跋輕騎往應之克滑臺收德宮人府藏又破德桂林王鎮及郎吏將士千餘人丙子遣建義將軍庾真越騎校尉奚斤討庫狄部帥葉亦干宥連部帥竇羽泥於太渾川破之庫狄懃支子沓亦干率其部落內附真等進破侯莫陳部獲馬牛羊十餘萬頭追殄遺迸入大峨谷中山太守仇儒亡匿趙郡推羣盜趙准爲主號使持節征西大將軍冀青二州牧鉅鹿

公仇儒為准長史聚黨扇惑詔中領軍長孫肥討平之
夏四月前清河太守傅世聚黨千餘家自號撫軍將軍
五月癸亥征虜將軍庾岳討破之秋七月起天華殿辛
酉大閱于鹿苑饗賜各有差陳郡河南流民萬餘口內
徙遣使者存勞之姚興遣衆圍洛陽司馬德宗將辛恭
靖請救八月遣太尉穆崇率騎六千往赴之增啟京師
十二門作西武庫除州郡民租賦之半辛亥詔禮官備
撰衆儀著于新令范陽人盧溥聚衆海濱稱使持節征

北大將軍幽州刺史攻掠郡縣殺幽州刺史封沓干慕
容盛遼西太守李朗舉郡內屬西河胡帥護諾于丁零
帥翟同蜀帥韓襲並相率內附冬十月太廟成遷神元
平文昭成獻明皇帝神主于太廟十有二月甲午慕容
盛征虜將軍燕郡太守高湖率戶三千內屬辛亥詔材
官將軍和突討盧溥天華殿成是歲呂光立其子紹為
天王自稱太上皇光死庶子纂殺紹僭立禿髮烏孤死
弟鹿孤代立遣使朝貢

三年春正月戊午和突破盧溥於遼西生獲溥及其子
煥傳送京師轅之癸亥有事於北郊分命諸官循行州
郡觀民風俗察舉不法賜羣臣布帛各有差二月丁亥
詔有司祀日于東郊始耕籍田壬寅皇子聰薨三月戊
午立皇后慕容氏是月穿城南渠通於城內作東西魚
池夏四月姚興遣使朝貢五月戊辰詔謁者僕射張濟
使於姚興己巳車駕東巡遂幸涿鹿遣使者以太牢祠
帝堯帝舜廟西幸馬邑觀澧源秋七月壬子車駕還宮

起中天殿及雲母堂金華室十有一月高車別帥勅力
捷率九百餘落內屬十有二月乙未詔曰世俗謂漢高
起於布衣而有天下此未達其故也夫劉承堯統曠世
繼德有蛇龍之徵致雲彩之應五緯上聚天人俱協明
革命之主大運所鍾不可以非望求也然狂狡之徒所
以顛蹶而不已者誠惑於逐鹿之說而迷於天命也故
有踵覆車之軌蹈釁逆之蹤毒甚者傾州郡害微者敗
邑里至乃身死名頽殃及九族從亂隨流死而不悔豈

不痛哉春秋之義大一統之美吳楚僭號久加誅絕君子賤其僞名比之塵垢自非繼聖載德天人合會帝王之業夫豈虛應歷觀古今不義而求非望者徒喪其保家之道而伏刀鋸之誅有國有家者誠能推廢興之有期審天命之不易察徵應之潛授杜競逐之邪言絕姦雄之僭肆思多福於止足則幾於神智矣如此則可以保榮祿於天年流餘慶於後世夫然故禍悖無緣而生兵甲何因而起凡厥來世勗哉戒之可不慎歟時太史

屢奏天文錯亂帝親覽經占多云改王易政故數革官
號一欲防塞凶狡二欲消災應變已而慮羣下疑惑心
謗腹非丙申復詔曰上古之治尚德下名有任而無爵
易治而事序故邪謀息而不起姦慝絕而不作周姬之
末下凌上替以號自定以位制祿卿世其官大夫遂事
陽德不暢議發家陪故釁由此起兵由此作秦漢之弊
捨德崇侈能否混雜賢愚相亂庶官失序任非其人於
是忠義之道寢廉恥之節廢退讓之風絕毀譽之議興

莫不由乎貴尚名位而禍敗及之矣古置三公職大憂重故曰待罪宰相將委任責成非虛寵祿也而今世俗僉以台輔為榮貴企慕而求之夫此職司在人主之所任耳用之則重捨之則輕然則官無常名而任有定分是則所貴者至矣何取於鼎司之虛稱也夫桀紂之南面雖高而可薄姬旦之為下雖卑而可尊一官可以效智華門可以垂範苟以道德為實賢於覆餗部家矣故量已者令終而義全昧利者身陷而名滅利之與名毀

譽之疵競道之與德神識之家寶是故道義治之本名
爵治之末名不本於道不可以為宜爵無補於時不可
以為用用而不禁為病深矣能通其變不失其正者其
惟聖人乎來者誠思成敗之理察治亂之由鑒殷周之
失革秦漢之弊則幾於治矣是歲乞伏乾歸為姚興所
破李暠私署涼州牧涼公

四年春正月高車別帥率其部三十餘落內附二月丁
亥命樂師入學習舞釋菜于先聖先師丁酉分命使者

循行州郡聽察辭訟糾劾不法三月帝親漁薦于寢廟
夏四月辛卯罷鄴行臺詔有司明揚隱逸五月起紫極
殿玄武樓涼風觀石池鹿苑臺秋七月詔鎮遠將軍兗
州刺史長孫肥步騎二萬南徇許昌彭城詔賜天下鎮
戍將士布帛各有差冬十二月辛亥詔征西大將軍常
山王遵等率衆五萬討破多蘭部帥木易干材官將軍
和突率騎六千襲黠弗素古延等諸部集博士儒生比
衆經文字義類相從凡四萬餘字號曰衆文經是歲慕

容盛死寶弟熙僭立呂光弟子隆殺篡自立盧水胡沮
渠蒙遜私署涼州牧張掖公蒙遜及李暉並遣使朝貢
五年春正月丁丑慕容熙遣將寇遼西虎威將軍宿沓
干等拒戰不利棄令支而還帝聞姚興將寇邊庚寅大
簡輿徒詔并州諸軍積穀于平陽之乾壁戊子材官將
軍和突破黠弗素古延等諸部獲馬三千餘匹牛羊七
萬餘頭辛卯蠕蠕社崙遣騎救素古延等和突逆擊破
之于山南河曲獲鎧馬二千餘匹班師賞賜將士各有

差二月癸丑征西大將軍常山王遵等至安定之高平
木易干率數千騎與衛辰屈丐棄國遁走追至隴西瓦
亭不及而還獲其輜重庫藏馬四萬餘匹駱駝牛三
千餘頭牛羊九萬餘口班賜將士各有差徙其民於京
師沙門張翹自號無上王與丁零鮮于次保聚黨常山
之行唐夏四月太守樓伏連討斬之五月姚興遣其弟
安北將軍義陽公平率衆四萬來侵平陽乾壁為平所
陷六月治兵于東郊部分衆軍詔鎮西大將軍毗陵王

順長孫肥等三將六萬騎為前鋒秋七月戊辰朔車駕
西討八月乙巳至於柴壁平固守進軍圍之姚興悉舉
其衆來救甲子帝渡蒙坑逆擊興軍大破之冬十月平
赴水而死俘其餘衆三萬餘人語在興傳獲興征虜將
軍尚書右僕射狄伯支越騎校尉唐小方積弩將軍姚
梁國建忠將軍雷星康官北中郎將康猥平從弟伯禽
已下四品將軍已上四十餘人獲先亡臣王次多靳懃
並斬以徇興頻使請和帝不許羣臣勸進平蒲坂帝慮

蠕蠕爲難戊申班師十有一月車駕次晉陽徵相州刺史庾岳爲司空遣左將軍莫題討上黨羣盜秦頗丁零翟都於壺關丁丑上黨太守捕頗斬之都走林慮十有二月辛亥至自西征蠕蠕社崙犯塞詔常山王遵追之不及而還越勒莫弗率其部萬餘家內屬居五原之北是歲禿髮鹿孤病死弟儁檀統任遣使朝貢

六年春正月辛未朔方尉遲部別帥率萬餘家內屬入居雲中夏五月大簡輿徒將畧江淮平荆揚之亂秋七

月鎮西大將軍司隸校尉毗陵王順有罪以王還第戊子車駕北巡築離宮于材山縱士校獵東北踰蜀嶺出參合代谷九月行幸南平城規度澠南面夏屋山背黃瓜堆將建新邑辛未車駕還宮冬十月起西昭陽殿乙卯立皇子嗣爲齊王加車騎大將軍位相國紹爲清河王加征南大將軍熙爲陽平王曜爲河南王封故秦愍王子夔爲豫章王陳留王子右將軍悅爲朱提王丁巳詔將軍伊謂率騎二萬北襲高車司馬德宗遣使朝貢

十有一月庚午伊謂大破高車是年島夷桓玄廢其主
司馬德宗而自立僭稱大楚

天賜元年春正月遣離石護軍劉託率騎三千襲蒲子
三月丙寅擒姚興寧北將軍泰平太守衡譚獲三千餘
口初限縣戶不滿百罷之夏四月詔尚書郎中公孫表
使於江南以觀桓玄之釁也值玄敗而還蠕蠕社崙從
弟悅伐大那等謀殺社崙而立大那發覺來奔五月置
山東諸冶發州郡徒謫造兵甲秋九月帝臨昭陽殿分

置衆職引朝臣文武親自簡擇量能叙用制爵四等曰
王公侯子除伯男之號追錄舊臣加以封爵各有差是
秋江南大亂流民緦負而奔淮北行道相尋冬十月辛
巳大赦改元築西宮十有一月上幸西宮大選朝臣令
各辨宗黨保舉才行諸部子孫失業賜爵者二千餘人
十有二月戊辰車駕幸豺山宮是歲島夷劉裕起兵誅
桓玄

二年春二月癸亥車駕還宮夏四月車駕有事于西郊

車旗盡黑是歲司馬德宗復僭立慕容德死兄子超僭立

三年春正月甲申車駕北巡幸豺山宮校獵至屋孤山
二月乙亥幸代園山建五石亭三月庚子車駕還宮夏
四月庚申復幸豺山宮占授著作郎王宜弟造兵法孤
虛立成圖三百六十時遂登定襄角史山又幸馬城甲
戌車駕還宮是月蠕蠕寇邊夜召兵將旦賊走乃罷六
月發八部五百里內男丁築灋南宮門闕高十餘丈引

溝穿池廣苑囿規立外城方二十里分置市里經塗洞
達三十日罷秋七月太尉穆崇薨八月甲辰行幸豺山
宮遂至青牛山丙辰西登武要北原觀九十九泉造石
亭遂之石漠九月甲戌朔幸漠南鹽池壬午至漠中觀
天鹽池度漠北之吐鹽池癸巳南還長川丙申臨觀長
陂冬十月庚申車駕還宮

四年春二月封皇子脩為河間王處文為長樂王連為
廣平王黎為京兆王夏五月北巡自參合陂東過蟠羊

山大雨暴水流輜重數百乘殺百餘人遂東北踰石漠
至長川幸濡源常山王遵有罪賜死秋七月車駕自濡
源西幸參合陂築北宮垣三旬而罷乃還宮八月幸材
山宮是月誅司空庾岳冬十有一月車駕還宮是歲慕
容寶養子高雲殺熙自立赫連屈丐自稱大單于大夏
天王

五年春正月行幸材山宮遂如參合陂觀漁於延水至
甯川三月姚興遣使朝貢是歲皇孫燾生

六年夏帝不豫初帝服寒食散自太醫令陰羌死後藥數動發至此逾甚而災變屢見憂懣不安或數日不食或不寢達旦歸咎羣下喜怒乖常謂百寮左右人不可信慮如天文之占或有肘腋之虞追思既往成敗得失終日竟夜獨語不止若傍有鬼物對揚者朝臣至前追其舊惡皆見殺害其餘或以顏色變動或以喘息不調或以行步乖節或以言辭失措帝皆以爲懷惡在心變見於外乃手自毆擊死者皆陳天安殿前於是朝野人

情各懷危懼有司懈怠莫相督攝百工偷剗盜賊公行
巷里之間人為希少帝亦聞之曰朕縱之使然待過災
年當更清治之爾秋七月慕容支屬百餘家謀欲外奔
發覺伏誅死者三百餘人八月衛王儀謀叛賜死冬十
月戊辰帝崩於天安殿時年三十九永興二年九月甲
寅上諡宣武皇帝葬於盛樂金陵廟號太祖泰常五年
改諡曰道武

史臣曰晉氏崩離戎羯乘釁僭偽紛紜豺狼競馳太祖

顯晦安危之中屈申潛躍之際驅率遺黎奮其靈武克
剪方難遂啟中原拱人神顯登皇極雖冠履不暇栖
遑外土而制作經謨咸存長世所謂大人利見百姓與
能抑不世之神武也而屯厄有期禍生非慮將人事不
足豈天實為之嗚呼

魏書卷二

魏書卷二考證

太祖紀帝左右于植等與諸部人謀爲逆以應之事泄
○植北史作桓本書列傳同穆崇傳亦作于植

遣秦王觚使于慕容垂○綱目書于晉太元十六年是
爲魏登國六年此書作五年

魏書卷二考證